

BOSNA I HERCEGOVINA
Konkurencijsko vijeće



БОСНА И ХЕРЦЕГОВИНА
Конкуренијски савјет

ZAKLJUČAK

**o odbacivanju Prijave namjere koncentracije privrednog subjekta
"Telekomunikacije Republike Srpske" a.d. Banja Luka**

**Sarajevo,
mart 2023. godine**



Broj: UP-02-26-1-031-11/22
Sarajevo: 15.03.2023. godine

Konkurencijsko vijeće Bosne i Hercegovine, na osnovu člana 25. stav (1) i člana 42. stav (2), a u vezi sa članom 14. stav (1) Zakona o konkurenciji ("Službeni glasnik BiH", br. 48/05, 76/07 i 80/09), rješavajući po Prijavi namjere koncentracije privrednog subjekta "Telekomunikacije Republike Srpske" a.d. Banja Luka, Vuka Karadžića br. 2, 78000 Banja Luka, zastupanog od strane Advokatsko ortačkog društva Dimitrijević i partneri iz Banja Luke, Sime Šolaje br. 1, 78000 Banja Luka, koja je zaprimljena dana 13.12.2022. godine pod brojem: UP-02-26-1-031-1/22, na 117. (stotinusedamnaestoj) sjednici održanoj dana 15.03.2023. godine, donijelo je

ZAKLJUČAK

1. Odbacuje se Prijava namjere koncentracije privrednog subjekta "Telekomunikacije Republike Srpske" a.d. Banja Luka, Vuka Karadžića br. 2, 78000 Banja Luka, radi nepostojanja obaveze prijave koncentracije u smislu člana 14. stav (1) Zakona o konkurenciji.
2. Obavezuje se privredni subjekt "Telekomunikacije Republike Srpske" a.d. Banja Luka, Vuka Karadžića br. 2, 78000 Banja Luka da uplati administrativnu taksu u ukupnom iznosu od 1.000,00 KM (hiljadu konvertibilnih maraka) u korist Budžeta institucija Bosne i Hercegovine.
3. Ovaj Zaključak bit će objavljen u "Službenom glasniku Bosne i Hercegovine", službenim glasilima entiteta i Brčko distrikta Bosne i Hercegovine.

O b r a z l o ž e n j e

Konkurencijsko vijeće Bosne i Hercegovine (u daljem tekstu: Konkurencijsko vijeće) zaprimilo je dana 13.12.2022. godine, pod brojem: UP-02-26-1-031-1/22, Prijavu namjere koncentracije (u daljem tekstu: Prijava) privrednog subjekta "Telekomunikacije Republike Srpske" a.d. Banja Luka, Vuka Karadžića br. 2, 78000 Banja Luka (u daljem tekstu: "Telekomunikacije Republike Srpske" ili Podnosilac prijave), zastupanog od strane Advokatskog ortačkog društva Dimitrijević i partneri iz Banja Luke, Sime Šolaje br. 1, 78000 Banja Luka, kojom Podnosilac prijave namjerava steći kontrolu nad privrednim subjektom "TRION TEL" d.o.o Banja Luka, Vidovdanska br. 8, 78000 Banja Luka (u daljem tekstu: "TRION TEL" ili Ciljno društvo), kupovinom 100% udijela u osnovnom kapitalu Ciljnog društva.

Podnosilac prijave je Konkurencijskom vijeću samonicijativno dostavio dopunu Prijave, zaprimljenu dana 19.12.2022. godine pod brojem: UP-02-26-1-031-2/22, koja je sadržavala dokumentaciju koju iz tehničkih razloga nije bio u mogućnosti dostaviti na dan podnošenja Prijave.

Uvidom u svu dostavljenu dokumentaciju, utvrđeno je da je Prijava podnesena u propisanom roku, u skladu sa članom 16. stav (1) Zakona o konkurenciji (u daljem tekstu: Zakon), ali da nije potpuna i kompletna u smislu člana 30. stav (1) Zakona i članova 9-12. Odluke o načinu podnošenja prijave i kriterijima za ocjenu koncentracija privrednih subjekata ("Službeni glasnik BiH", broj 34/10), zbog čega

je Konkurencijsko vijeće u skladu sa članom 31. Zakona, aktom broj: UP-02-26-1-031-3/22 od 11.01.2023. godine i aktom broj: UP-02-26-1-031-5/22 od 31.01.2023. godine, zatražilo dopunu iste.

Podnosilac prijave je podneskom zaprimljenim dana 03.02.2023. godine, pod brojem: UP-02-26-1-031-6/22, tražio produženje roka za dostavu dopune Prijave za dodatnih 15. dana, što mu je Konkurencijsko vijeće odobrilo aktom broj: UP-02-26-1-031-7/22 od 06.02.2023. godine.

Traženu dopunu Prijave, Podnosilac prijave dostavio je Konkurencijskom vijeće podnescima zaprimljenim dana 23.01.2023. godine pod brojem: UP-02-26-1-031-4/22 i dana 23.02.2023. godine pod brojem: UP-03-26-1-011-8/18.

U skladu sa članom 16. stav (2) Zakona, kao dokaz namjere provođenja koncentracije, uz Prijavu je dostavljen (..)**¹, zaključen dana (..)** godine između privrednih subjekata "Telekomunikacije Republike Srpske" i "TRION TEL".

Podnosilac prijave je u smislu člana 30. stav (2) Zakona, naveo da postoji namjera prijavljivanja predmetne koncentracije tijelima nadležnim za zaštitu konkurencije u drugim državama, ukoliko se ocijeni da u konkretnom slučaju postoji obaveza prijave koncentracije.

Konkurencijsko vijeće je dana 14.03.2023. godine, pod brojem: UP-02-26-1-031-09/22, izdalo Potvrdu o prijemu kompletne i uredne prijave, u smislu člana 30. stav (3) Zakona.

1. Učesnici koncentracije

Učesnici koncentracije su privredni subjekt "Telekomunikacije Republike Srpske" i privredni subjekt "TRION TEL".

1.1. Privredni subjekt "Telekomunikacije Republike Srpske" (Podnosilac prijave)

Privredni subjekt "Telekomunikacije Republike Srpske", punim nazivom "Telekomunikacije Republike Srpske" akcionarsko društvo Banja Luka, (skraćena oznaka firme: "Telekom Srpske" a.d. Banja Luka i "Mtel" a.d. Banja Luka), sa registrovanim sjedištem na adresi Vuka Karadžića br. 2, 78000 Banja Luka, prema Aktuelnom izvodu iz sudskog registra Okružnog privrednog suda u Banja Luci broj: 057-0-Reg-Z-22-004789 od 13.10.2022. godine, upisan je u sudski registar pod matičnim brojem: 1-9317-00 i JIB brojem: 4400964000002.

Privredni subjekt "Telekomunikacije Republike Srpske" je operator elektronskih komunikacionih usluga koji pruža usluge na teritoriji Bosne i Hercegovine na osnovu dozvola Regulatorne agencije za komunikacije Bosne i Hercegovine (u daljem tekstu: RAK) za obavljanje djelatnosti: 1) javnog operatora fiksne telefonije koja uključuje djelatnosti operatora javnih elektronskih komunikacionih mreža i davaoca fiksnih javnih telefonskih usluga, 2) pružanja usluga putem mobilnih pristupnih sistema što uključuje dozvolu za korištenje radiofrekventnog spektra za rad mobilne mreže, 3) davaoca pristupa internetu i 4) pružanja usluga distribucije audiovizuelnih medijskih usluga i medijskih usluga radija.

Većinski akcionar privrednog subjekta "Telekomunikacije Republike Srpske" sa 65,005851% udjela u osnovnom kapitalu je privredni subjekt "Telekom Srbija" a.d. Beograd, Republika Srbija (u daljem tekstu: "Telekom Srbija"), koji je prema izvodu iz registra Agencije za privredne registre Republike Srbije od

¹ podaci predstavljaju poslovnu tajnu u smislu člana 38. Zakona o konkurenciji

06.10.2022. godine, registrovan pod matičnim brojem: 17162543, sa sjedištem na adresi Takovska 2, 11060 Palilula, Beograd, Republika Srbija.

1.1.1. Povezana društva privrednog subjekta "Telekomunikacije Republike Srpske" na teritoriji Bosne i Hercegovine

Privredni subjekt "Telekomunikacije Republike Srpske" na teritoriji Bosne i Hercegovine ima sljedeća povezana društva: "LOGOSOFT" d.o.o Sarajevo, "Blicnet" d.o.o. Banja Luka, "FINANC" d.o.o. Banja Luka, "ACG" Sarajevo i "ARENA SPORT BH" d.o.o. Sarajevo.

1.1.1.1. "LOGOSOFT" d.o.o Sarajevo

Privredni subjekt "LOGOSOFT" d.o.o Sarajevo, punim nazivom "LOGOSOFT" privredno društvo za informatički inženjering d.o.o. Sarajevo (u daljem tekstu: "LOGOSOFT"), sa registrovanim sjedištem na adresi Grbavička br.4, Novo Sarajevo, 71000 Sarajevo, prema Aktuelnom izvodu iz sudskog registra Općinskog suda u Sarajevu broj: 065-0-RegZ-22-010902 od 17.10.2022. godine, upisan je u sudski registar pod matičnim brojem: 65-01-0594-11 (stari broj: 1-15529) i JIB brojem: 4200236190009.

Osnivač privrednog subjekta "LOGOSOFT" sa 100% udijela u kapitalu je privredni subjekt "Telekomunikacije Republike Srpske".

Privredni subjekt "LOGOSOFT" osnovan je 1995. godine kao privredno društvo za informatički inženjering, koje od 2014. godine posluje u sastavu Mtel grupacije.

Pretežne djelatnosti koje obavlja privredni subjekt "LOGOSOFT" su djelatnosti iz segmenta fiksne telefonije, mobilne telefonije, interneta i prenosa podataka, ICT usluge, integrisane usluge i multimedija.

1.1.1.2. "Blicnet" d.o.o. Banja Luka

Privredni subjekt "Blicnet" d.o.o. Banja Luka, punim nazivom "Blicnet" privredno društvo sa ograničenom odgovornošću za telekomunikacije Banja Luka (u daljem tekstu: "Blicnet"), sa registrovanim sjedištem na adresi Majke Jugovića br. 25, 78000 Banja Luka, prema Aktuelnom izvodu iz sudskog registra Okružnog privrednog suda u Banja Luci broj: 057-0-RegZ-22-004623 od 03.10.2022. godine, upisan je u sudski registar pod matičnim brojem: 1-3645-00 i JIB brojem: 4200999050002.

Osnivač privrednog subjekta "Blicnet" sa 100% udijela u kapitalu je privredni subjekt "Telekomunikacije Republike Srpske".

Pretežne djelatnosti koje obavlja privredni subjekt "Blicnet" su djelatnosti operatora javnih elektronskih komunikacijskih mreža, davaoca fiksnih javnih telefonskih usluga, davaoca pristupa internetu i pružanja usluga distribucije audiovizuelnih medijskih usluga i medijskih usluga radija, a pored navedenog pruža i usluge sistemskih integracija, te implementacije poslovnih rješenja.

Privredni subjekt "Blicnet" u 2022. godini izvršio je statusnu promjenu spajanja uz pripajanje, koja je imala za posljedicu prestanak postojanja privrednih subjekata "TelradNet" d.o.o. Bijeljina i Elta-Kabel d.o.o. Doboje, koja su pripojena privrednom subjektu "Blicnet".

1.1.1.3. "FINANC" d.o.o. Banja Luka

Privredni subjekt "FINANC" d.o.o. Banja Luka, punim nazivom "FINANC" Društvo sa ograničenom odgovornošću za trgovinu i usluge, Banja Luka (u daljem tekstu: "FINANC"), sa registrovanim sjedištem na adresi Dunavska br. 1c, 78000 Banja Luka, prema Aktuelnom izvodu iz sudskog registra Okružnog privrednog suda u Banja Luci broj: 057-0-RegZ-22-005101 od 03.11.2022. godine, upisan je u sudski registar pod matičnim brojem: 1-12429-00 i JIB brojem: 4401577860008.

Osnivač privrednog subjekta "FINANC" sa 100% udijela u kapitalu je privredni subjekt "Telekomunikacije Republike Srpske".

Pretežna djelatnost koju obavlja privredni subjekt "FINANC" je djelatnost posredovanja u prodaji elektronskih dopuna i prepaid brojeva, skreć vaučera i posredovanja u zaključivanju korisničkih ugovora, a osim toga se bavi pružanjem procesing usluga i posredovanjem u prodaji telekomunikacionih usluga.

1.1.1.4. "ACG" d.o.o. Sarajevo

Privredni subjekt "ACG" d.o.o. Sarajevo (u daljem tekstu: "ACG"), prema Rješenju o registraciji Općinskog suda u Sarajevu broj: 065-0-Reg-21-005057 od 17.12.2021. godine, upisan je u sudski registar pod matičnim brojem: 65-01-1070-21 i JIB brojem: 4202981030008.

Prema Rješenju o izmjenama podataka Općinskog suda u Sarajevu broj: 065-0-Reg-22-004534 od 28.11.2022. godine, sjedište privrednog subjekta "ACG" je na adresi Muamera Omerbegovića br. 3, Sarajevo-Centar, 71000 Sarajevo.

Osnivač privrednog subjekta "ACG" sa 100% udijela u kapitalu je privredni subjekt "ARENA CHANNELS GROUP" d.o.o Beograd, koji je povezano društvo pod kontrolom privrednog subjekta "Telekom Srbija", koji ima 100% udijela u njegovom kapitalu.

Privredni subjekt "ACG" registrovan je za djelatnost konsaltinga i administrativnih usluga.

1.1.1.5. "ARENA SPORT BH" d.o.o. Sarajevo

Privredni subjekt "ARENA SPORT BH" d.o.o. Sarajevo (u daljem tekstu: "ARENA SPORT BH"), prema Rješenju o registraciji Općinskog suda u Sarajevu broj: 065-0-Reg-22-000768 od 07.03.2022. godine, upisan je u sudski registar pod matičnim brojem: 65-01-0163-22 i JIB brojem: 4203006800001.

Prema Rješenju o izmjenama podataka Općinskog suda u Sarajevu broj: 065-0-Reg-22-004535 od 01.12.2022. godine, sjedište privrednog subjekta "ACG" je na adresi Muamera Omerbegovića br. 3, Sarajevo-Centar, 71000 Sarajevo.

Osnivač privrednog subjekta "ARENA SPORT BH" sa 100% udijela u kapitalu je privredni subjekt "ACG".

Privredni subjekt "ARENA SPORT BH" registrovan je za djelatnost emitovanja programa, video produkciju, marketing i srodne djelatnosti.

1.2. Privredni subjekt "TRION TEL" (Ciljno društvo)

Privredni subjekt "TRION TEL", punim nazivom "TRION TEL" društvo sa ograničenom odgovornošću Banja Luka, sa registrovanim sjedištem na adresi Vidovdanska br.8, 78000 Banja Luka, prema Aktuelnom izvodu iz sudskog registra Okružnog privrednog suda u Banja Luci broj: 057-0-Reg-Z-22-005114 od 04.11.2022. godine, upisan je u sudski registar pod matičnim brojem: 57-01-0380-15 i JIB brojem: 4403938110001.

Osnivač privrednog subjekta "TRION TEL" sa 100% udijela u kapitalu je fizičko lice (..)** , ul. (..)**.

Privredni subjekt "TRION TEL" je operater telekomunikacija koji na teritoriji Bosne i Hercegovine na osnovu dozvola RAK-a obavlja djelatnosti operatora javnih elektronskih komunikacijskih mreža i davaoca pristupa internetu.

Na osnovu (..)** godine između privrednih subjekata (..)** , privredni subjekt "TRION TEL" omogućava korisnicima da putem njegove mreže pristupaju uslugama televizije i fiksne telefonije privrednog subjekta (..)**.

1.2.1. Povezana društva i lica privrednog subjekta "TRION TEL" na teritoriji Bosne i Hercegovine

Povezana društva i lica privrednog subjekta "TRION TEL" na teritoriji Bosne i Hercegovine, koji su povezani preko njegovog osnivača fizičkog lica, (..)** su: (..)** d.o.o. Banja Luka, (..)** d.o.o. Banja Luka i (..)** Banja Luka.

1.2.1.1. (..) d.o.o. Banja Luka**

Privredni subjekt (..)** d.o.o. Banja Luka (u daljem tekstu: (..)**), sa registrovanim sjedištem na adresi (..)** , 78000 Banja Luka, prema Aktuelnom izvodu iz sudskog registra Okružnog privrednog suda u Banja Luci broj: (..)** od 16.01.2023. godine, upisan je u sudski registar pod matičnim brojem: (..)** i JIB brojem: (..)**.

Osnivač privrednog subjekta (..)** sa 100% udijela u kapitalu je fizičko lice (..)**.

Pretežna djelatnost kojom se bavi privredni subjekt (..)** je uzgoj koza, proizvodnja mlijeka, mliječnih proizvoda i sira.

1.2.1.2. (..) d.o.o. Banja Luka**

Privredni subjekt (..)** d.o.o. Banja Luka, punim nazivom (..)** d.o.o. Banja Luka (u daljem tekstu: (..)**), sa registrovanim sjedištem na adresi (..)** , 78000 Banja Luka, prema Aktuelnom izvodu iz sudskog registra Okružnog privrednog suda u Banja Luci broj: (..)** od 16.01.2023. godine, upisan je u sudski registar pod matičnim brojem: (..)** i JIB brojem: (..)**.

Osnivač privrednog subjekta (..)** sa 100% udijela u kapitalu je fizičko lice (..)**.

Pretežna djelatnost kojom se bavi privredni subjekt (..)** su ostale sportske djelatnosti – pružanje savjetodavnih (konsultantskih) usluga i usluga posredovanja.

1.2.1.3. (..) Banja Luka**

Privredni subjekt (..)** Banja Luka, punim nazivom (..)** Banja Luka, prema Izvodu iz registra preduzetnika Gradske uprave grada Banja Luka broj: (..)** od 16.01.2023. godine, upisan je pod registarskim brojem: (..)** i JIB brojem: (..)**, a kao preduzetnik naveden je (..)**.

Pretežna djelatnost kojom se bavi privredni subjekt (..)** Banja Luka je savjetovanje koje se odnosi na poslovanje – pružanje usluga savjetovanja iz oblasti sporta i usluge posredovanja.

2. Pravni okvir ocjene koncentracije

Konkurencijsko vijeće je u provođenju postupka ocjene predmetne koncentracije primijenilo odredbe Zakona, Odluke o načinu podnošenja prijave i kriterijima za ocjenu koncentracija privrednih subjekata ("Službeni glasnik BiH", br. 34/10) i Odluke o utvrđivanju relevantnog tržišta ("Službeni glasnik BiH", br. 18/06 i 34/10).

3. Pravni osnov i oblik koncentracije

Pravni osnov koncentracije predstavlja (..)** između privrednih subjekata "Telekomunikacije Republike Srpske" i "TRION TEL", zaključen dana (..)** godine pod brojem: (..)**.

Pravni oblik koncentracije predstavlja sticanje kontrole privrednog subjekta "Telekomunikacije Republike Srpske" nad privrednim subjektom "TRION TEL", u smislu člana 12. stav (1) tačka b) Zakona.

4. Relevantno tržište

Relevantno tržište predmetne koncentracije određeno je u skladu sa poslovnom djelatnosti koju obavljaju učesnici u koncentraciji, kao i teritorijom na kojoj obavljaju ili mogu obavljati tu djelatnost.

S obzirom na prirodu poslovne djelatnosti koju u skladu sa važećim dozvolama izdatim od strane RAK-a obavljaju učesnici u koncentraciji, te činjenici da se Ciljno društvo, prema navodima iz Prijave, bavi isključivo pružanjem usluga interneta u okviru obavljanja djelatnosti davaoca pristupa internetu, kao relevantno tržište proizvoda predmetne koncentracije određeno je maloprodajno tržište pružanja usluga fiksnog širokopojasnog pristupa internetu.

Konkurencijsko vijeće se prilikom određivanja relevantnog geografskog tržišta koristilo određenim pokazateljima, kao što je odnos RAK-a kao sektorskog regulatora prema tržištu telekomunikacija u Bosni i Hercegovini, te praksom Evropske komisije, u skladu sa članom 43. stav (7) Zakona.

Podnosilac prijave i Ciljno društvo su nosioci dozvola RAK-a za obavljanje djelatnosti operatora javnih elektronskih komunikacijskih mreža i obavljanje djelatnosti davaoca pristupa internetu na osnovu kojih mogu obavljati djelatnost na cijeloj teritoriji Bosne i Hercegovine.

RAK sve svoje studije prikazuje na nacionalnom nivou i svi podaci koje prikuplja i obrađuje (npr. broj korisnika, broj učesnika na tržištu, tržišni udjeli i slično), određeni su i uporedno prikazani za cijelu teritoriju Bosne i Hercegovine.

Praksa Evropske komisije je da je regulacija telekomunikacijskih usluga nacionalna, pa kada je riječ o relevantnom tržištu pristupa internetu korisnici imaju mogućnost pristupa samo preko licenciranih mrežnih operatora, čije se licenciranje obavlja isključivo na nacionalnom nivou.

Evropska komisija je u svojoj dosadašnjoj praksi zauzela stav da je tržište pružanja usluga pristupa internetu krajnjim korisnicima nacionalno po obimu, s obzirom da su marketing, komercijalne i tehničke usluge, cjenovna politika i vezivanje usluga usmjereni ka nacionalnom tržištu.²

Na ovaj način i operatori u Bosni i Hercegovini usmjeravaju svoje poslovanje na korisnike u cijeloj Bosni i Hercegovini, pa je u skladu s tim Konkurencijsko vijeće kao relevantno geografsko tržište predmetne koncentracije odredilo teritoriju Bosne i Hercegovine.

Slijedom navedenog, Konkurencijsko vijeće je utvrdilo da je relevantno tržište predmetne koncentracije maloprodajno tržište pružanja usluga fiksnog širokopojasnog pristupa internetu na teritoriji Bosne i Hercegovine.

5. Ocjena prijave koncentracije

Učesnici u koncentraciji koji imaju sjedište u Bosni i Hercegovini, kao što je to u predmetnom slučaju, obavezni su prijaviti namjeravanu koncentraciju ukoliko su ispunjeni uslovi iz člana 14. stav 1) tačka b) Zakona, odnosno ako ukupni godišnji prihod svakog od najmanje dva privredna subjekta učesnika koncentracije ostvaren prodajom roba i /ili usluga na tržištu Bosne i Hercegovine iznosi najmanje 8.000.000,00 KM po završnom računu u godini koja je prethodila koncentraciji, ili ako je njihov zajednički tržišni udio na relevantnom tržištu veći od 40%.

Ukupni godišnji prihodi učesnika u koncentraciji, na dan 31. decembra 2021. godine u Bosni i Hercegovini, prikazani su u Tabeli br.1, kako slijedi.

Tabela br.1

Privredni subjekt	Telekomunikacije Republike Srpske (Mtel grupa)	TRION TEL
Ukupan prihod (KM)	(..)**	(..)**

Izvor: podaci iz Prijave

Prema podacima iz Tabele br. 1. učesnici u koncentraciji nisu ispunili uslov iz člana 14. stav (1) tačka b) Zakona, koji se odnosi na ukupni godišnji prihod ostvaren na tržištu Bosne i Hercegovine.

Podnosilac prijave dao je procjenu tržišnog učešća učesnika u koncentraciji i njihovih konkurenata na relevantnom tržištu, koja je urađena je na osnovu podataka o broju korisnika fiksnog širokopojasnog pristupa internetu u Bosni i Hercegovini za 2021. godinu, a koji su objavljeni od strane RAK-a u okviru dokumenta "Pregled stanja tržišta telekomunikacija u BiH za 2021. godinu", dostupnog na web stranici: <https://www.rak.ba/bs-Latn-BA/telecom-market-analysis>.

Navedena procjena tržišnog učešća učesnika u koncentraciji i njihovih konkurenata na relevantnom tržištu u 2021. godini, prikazana je u Tabeli br.2, kako slijedi.

² Pogledati Odluke EK br.M.7000-Liberty Global/Ziggo, paragraf 133; NO COMP/M.4947-Vodafone/Tele2, Italy/Tele2 Spain, paragraf 16; No COMP/M.5532-Carphone; Warehouse/Tiscali UK, PARAGRAF 47, No.COMP/M5730-Telefonica/Hansenet, paragraf 28; No COMP/M.5734-Liberty Global Europe/Unitymedia, paragraf 42; COMP/M 6990-Vodafone/Kabel Deutschland, paragraf 197; COMP/M.7421-Orange/Jazztel, paragraf 60.

Tabela br.2

Tržište maloprodajnog fiksno širokopojasnog pristupa internetu u BiH u 2021. godini		
Red. br.	Privredni subjekt	Tržišni udio (%)
1.	Telekomunikacije Republike Srpske (Mtel grupa)	(..)**
2.	BH Telecom	(..)**
3.	Telemach	(..)**
4.	HT Mostar	(..)**
5.	HKB net	(..)**
6.	Dasto Semtel	(..)**
7.	TX TV	(..)**
8.	KTV HS	(..)**
9.	MISS.NET	(..)**
10.	M&H Company	(..)**
11.	TRION TEL	(..)**
12.	Ostali	(..)**
Ukupno 1+2:		(..)**
Ukupno:		100,00

Izvor: podaci iz Prijave

Prema podacima iz Tabele br.2 učesnici u koncentraciji na relevantnom tržištu u 2021. godini zajedno su imali tržišni udio od (..)**, pa shodno tome ne ispunjavaju ni drugi uslov za obaveznu prijavu namjeravane koncentracije propisan članom 14. stav (1) tačka b) Zakona, koji se odnosi na to da je njihov zajednički tržišni udio na relevantnom tržištu veći od 40%.

Na osnovu svega navedenog, privredni subjekt "Telekomunikacije Republike Srpske" nije bio u obavezi podnijeti Prijavu, te je Konkurencijsko vijeće odlučilo kao u dispozitivu ovog Zaključka.

6. Administrativna taksa

Podnosilac Prijave na ovaj Zaključak, u skladu sa članom 2. Tarifni broj 108. tačka c) Odluke o visini administrativnih taksi u vezi sa procesnim radnjama pred Konkurencijskim vijećem ("Službeni glasnik BiH", br. 30/06, 18/11 i 75/18) dužan je platiti administrativnu taksu u ukupnom iznosu od 1.000,00 KM u korist Budžeta institucija Bosne i Hercegovine.

7. Pouka o pravnom lijeku

Protiv ovog Zaključka nije dozvoljena žalba.

Nezadovoljna stranka može pokrenuti upravni spor pred Sudom Bosne i Hercegovine u roku od 30 dana od dana prijema, odnosno objave ovoga Zaključka.

Predsjednik

Nebojša Popić